

سرايط انتشار

ولايات و در سعادته محل
اقامت كونه كوندرك اوزره
سنه لکي ۷۰ التي ايلفي ۴۰
غروشه در اداره خانه دن
التي ايلفي ۳۰ غروشه در
آبونه لر سنه ابتدا سندن
يعني التي اوچنچي نومرو دن
اعتباراً بر سنه لك و يا خود التي
آلتي اوله رق قيد اولنور.

سوره مائده

۱۳۰۷

محل اداره سي

باب مالی جوارنده ابو.
السعود جاده سنه محمود بك
مطبعه سيدر.

امور اداره و تحرير به متعلق
خصوصات ايچون محمود رضا
افندي نامه مراجعت
اولمليدر درج اولمليان
اوراق اعاده اولماز.
اداره خانه جمع دن ماعد
هركون آجيقدر.

مقالات علميه و فنيه لك واسطه انتشاري ، كلزار ادبياتك مجليه آتاربر

Directeur Mehmed Riza

مديرى : محمد رضا

نومرو ۸۲

سر محررى : توفيق

نسخه سي ۵۰ پاره يه در



وطن — دیندر ، بزم ایچون دین — و طندر .
واقما کرک غیرت دینه و کرک محبت وطنیه
مقصدجه بر معنایه چیقار لکن اسلامک
خصوصیت و ماهیتی دیانتله ، قائم اولدیفندن
بزجه وطن لاقردیسنه بک اهمیت ویرله مشدر .

§

ملت اسلامیة نك تریة اساسیه سنه مبدأ
ومعاد اعتبار یله وطن حقیقی عالم ارواحدر
نفس ناطقه انسانی به کوره عالم اشباح — ضربت
صاییلور (کن فی الدنيا کالک غریب)
حدیث شریفده بومعنایه ایما بیورلمشدر
فقط شو ایمای قدسیت اتما چوق کیمسه لر
الایش دنیایه مفتون اولوب مال وجاهه
اغترار طریق حقدن ایا ایده کلدیکندن
یا کلش یوله کیدنلری — طاعوتیه پرستش
ایدنلری خواب غفلتدن ایفاظ ایله نم لاهو-
تیبی اخطار ایچوندر یوقسه شریعت احمدیه ده
عظالت و بطالتک یری یوقدر چونکه صاحب
شریعت افندمن مبعوث بالسیف اولوب
اشغالک اصعب واعظمی بولنان جهاد و غزا
الک مقدس ومعتنا سنن سنیه لرندندر .

اسکی وقتلرده زینتی بنالری یاییلماق ،
واسع سوقاقلر آچیلماق کبی آرایش
ونمایشه عطف نکه اعتبار ایدلمه مش اولد -
یفندن صورت ظاهرده مملکتلرمن بعض
مرتبه یچیمسز کور و نور سه ده حقیقته تناسب
طبیعیسی ، حسن ذاتیسی نظر ربای عقولدر
هر نوع ترفه و ترقی به قابلیت مسلم فحولدر
براز اوتوسی بریسی تنظیم وتسویه ایدیلجه
بک یچملی اولور مالک متمدنه نك ال برنجیسی
صاییلور .

یاهو فتوحات دورلری جان و بروب
جان الاجق زماندر اوزمانلرده تزییناته ،
حظوظاته ، باقیله ماز فاتحلرک نظر همی تزیین
وتنظیمه منعطف اوله ماز . تزیین وتنظیم
— اخلافه راجعدر سعی وعمل قاعده سنجه
ادخار وامساک — قرانلره ، تصرف
واستعمال — قرانیلمش شیئه حاضر قونانلره
عائد اولغله اجدادمزدن موروث اولان
ممالکی حسن اداره بزه دوشر ارث پدری
هدر ایدر میراث یدیلر کبی ناخلف اولما -

ملی بز حسن اداره به چالیشمالی بز عصرمن
تکامل وتائی به مساعد دکلدر .
عارفی حکمت

تعاون

بربرینه یاردم ایتک دیمک اولان تعاون
انسانلر ایچون نه قدر مهم نه قدر لزومی
برشیدر . انسان درکار اولان عجزی سبیلله
هردرلو وسائل سعادتیه بالذات استکمال ،
هردرلو اسباب رفاهیتی بالنفس استحصال
ایده من .

جمعیت تشکیلیله مستلذات حیاتدن
استفاده ایدن بونجه اقوام بشریه حال تمدنه
نه قدر ترقی ایدرسه ایتسون تعاوندن هیچ
بروقنده مستغنی اوله من .

نصل مستغنی اوله ییلیرک تعمیق ایدیله -
جک اولدیقی حالد تعاوندن استغنا بشریتک
فوقه چیقماق دیمکدر .

شو سعادت آباد مدینتک هر هانکی
جهته خیرانه عطف نکاه ایدلسه براتر تعاون
تجلی ایدر .

تکملات بشریه ، انتظامات مدینتی تأمین
ایدن برمزیت عالیه وار ایه اوده انسانلرک
بربرینه یاردم ایتسیدر .

انسان انسانه دائما محتاجدر دین ارباب
بصیرت ماهیت بشریه به جدأ وقوف کوستر-
مشدر .

بی بشرک بربرینه یاردم ایتسی مقتضای
انسانیتدر .

انسانلرک ، دنیوی اخروی ، هر درلو
سعاداتی تأمین ایتک خاصه مقدسه سنی
حاوی اولان واوله براس الاساس مبجل
اوزرینه مؤسس بولسان دین مبین اسلام
وبودین حقلک مصباح منیری اولان قانون
حکم آ کین محمدی مسلمینک یکدیگرینه
اعانه ده بولمنسی صورت مخصوصده اوله رقی
امر ایدیور .

خدای مستعان نظم کریمنده :

وتعاونوا

بیوریور .

حکیم کائنات علیه اکل التجلیات افندمن
حضر تلمی ده کمال تجلیات ایله ماللری نقل
ایلدیکمز شو احادیث مقدسه نبویه لرنده
اخوت اسلامیة نك ایجاباتندن اوله رقی
بر بریزه اعانه ده بولمنسی امر بیوریور ،
امر خیر تعاونک نزد عالی نبویلرنده
نه درجه ده ممدوح و ملزم اولدینی شو احادیث
شریفه ایله تبیین ایدر .

§

مؤمن قرداشنه اعانه یولنده و آنک
منفعتی حقنده طولاشان کیمسه فی سبیل الله
مجاهده ایدنلرک ثوابنه نائل اولور .

§

مسلم قرداشنک حاجتی ایفایه سعی
ایدن کیمسه نك « حاجت قضا اولنسون
اولنسون » ایتدیکی و ایده چکی کناهلری
جناب حق مغفرت ایدر و او کیمسه حقنده
ایکی برأت یازارکه بری ناردن ، دیگرکی
نفاقدن براتندر .

§

اخ مسلمنک حاجتی قضا ایدن کیمسه نك
میزانی یاننده طوره جفم . اگر میزانی میل
ایده جک اولورسه او کیمسه به شفاعت
ایده جکم .

§

مؤمن قرداشنک حاجتی حقنده یول
یورین کیمسه نك هر آدینه جناب حق
یتمش حسنه یازار . یتمش سیئه سنی ده سترایدر .
اگر حاجت کندی معرفله قضا اولنورسه
او کیمسه والده سندن طوغدینی کون کبی
بتون کناهلرندن رها بولور . اگر حاجتک
قضایی هنکامنده ارتحالی وقوع بولورسه
بلا حساب جتنه داخل اولور .

§

جناب حقک عند الاقوام برطاق نعمتلی
واردرکه حوائج ناسی قضاده مداوم بولند قجه
او نم او اقوام عنسدنده قرار ایدر . ملال
کتیره جک اولورلرسه او نم الهیه اقوام
سائر به انتقال ایلر .

§

برمسلمه اعانه ایدن کیمسه به جناب حق یاردم ایدر .

§

نه بختیاردرد اول کیمسه که ایکی الی اوزرینه خیر اجرا اولندی نه بدبختدر اول آدمک شریکی الی اوزرینه اجرا ایدلدی .

§

اقض الحوائج ما استطعت

ت وکن لهم اخیک فارح

فاخیر ایام الفقی

یوم قضی فیہ الحوائج

مقتدر اولدقجه مسلم قرداشکک حاجاتی قضا ایدرک غصه سنی ازاله ایت . زیرا انسانک کونلر ینک الک خیرلیسی حوائج بشریه یی قضا ایلدیکی کوندر .

§

لا تقطعن عادة الاحسان عن احد مادمت تقدر والایام تارات واذکر فضیلة صنع الله اذ جعلت الیک لالک عند الناس حاجات مقتدر اولدیغک قدر هیچ برکیمسه دن تلطفی دریغ اتمه . جناب حق سنی محتاج ایتیمو محتاج الیه اتمی جهتله اولان فضیلتی دوشون .

§

بروجه بالا حکایه اولندی اوزره بر مسلمک دیگر بر مسلم قرداشندن استعانه ده بولنسی مشروع وهؤمن مستعینه علی قدر الاستطاعه اعانه ده بولنق لازمدر .

لکن بر مسلمک مقاصد ذاتیه سینه وصول ایچون دین قرداشنی تکثیر مراجمتله تصدیع ایتماسی ده ممنوعدر .

امام علی کرم الله وجهه ائندمن : « لاتکثر علی اخیک الحوائج » بیورمشر .

مسین مری

مصاحبه

مابعد

هنوز صغیر السن ایکن پدری وفات ایتکله برادری (شیخ احمد الغزالی) ايله

برابر یتیم قالمش و کمال فقر و ضرورتله تحصیل معرفته باشلامشدرکه هردرلو تصور و تقدیرک فوقده اوله رق قراندینی فضائل و کتابخانه طالع اهدا ایتدیکی آثار . حیرت بخش عقول اولان اقدامات مجدانه سنک مکافات مغنویه سیدر .

غزالی ، یتیم ایدی . فقط بر در یتیم ایدی که خزینه معرفته امثالنه یک نادر تصادف اولنور .

او ، محافظه حیات ایچون برشی قلیله محتاج ایدی . لکن جهان معرفتی یک چوق شیرده کندیسنه محتاج ایتمشدی که اواحتیاج ارباب عرفان ایچون ابدیا باقیدر .

(آثار مخلصه) عنوانی که زیاده آثار غزالی به شایاندرکه اوشمس مشعشع عرفان ، غروب ایدملی سکز یوز بوقدر سنه اولدینی حالده مؤلفات جلیله سی نور هدی کی عیون جهانی تنویر ایتکدهدر .

حکم زمان بهض آثاری — وقتله حائر اولدینی — قیمتدن اسقاط ایتدیکی حالده سکز یوز سنه مقدم تدوین اولنسان آثار غزالی به هرکون بر بشقه قیمت و رونق ویرمکدهدر .

بناء علیه او تخریر بی نظیرک مؤلفات برکزیده سنی تدقیق ايله احتوا ایتدیکی دقایق معجزه یی تقدیر ایدن ارباب بصیرت جهان معرفت باقی اولدقجه :

« و هذا کتاب ما اراه مشاهراً »

« کغیر کتاب الله من سائر الکتاب »

زمزمه سیله ستایش خوان اولسه سزادر .

شاعر حکمت پرور ، برادر محترم محمد جاکف (غزالی) عنوانیله نشر ایتدیکی بر منظومه عارفانه ده :

« حقیقت او داهی علوی نظر »

« کورتمکده انظاره فوق البشر »

« باقک بونجه اعصار کچمش ایکن »

« آنک دوری آزاده در کچمه دن »

« غزالی که ویرمشدی علمه حیات »

« تصور اولنماز آنکچون مات »

ابیات جیده سیله شان جلیل غزالی بی حقیله اجلال ایتمشدر .

غنا ی مایدن محروم اوله رق نشوونما بولان حضرت غزالی شداند ضرورته غنا ی قلبه مقاومت ایدرک تحصیل معارف ایلمشدرکه حائر اولدینی کالات فوق العاده ، ثروت ايله استحصال اولنه ماز . آکا نائلیت توفیقات الهیه به و غیرت کی بر ثروت مغنویه به محتاجدر .

برکنز لایفنا ی معارف اولان (شیخ جلال الدین عبدالرحمن سیوطی) حضر . تلی ده اکثر ارباب کمال کی فقر و ضرورتده مرتبه کاله واصل اولانلردن ایدی .

حتی فوق العاده دوچار احتیاج اولدینی زمانلر — عندنده جوهر حیاتشدن دها قیمتدار بولسان — کتابلرندن بعضی صاهر ق اتمک آلیر وقناعت عالی جنابانه سنه ذره قدر خلل ویرمزدی .

درد معاش ايله منسلب الحضور اولسی لازم کان بو داهی اعظمک غوائل دهریه یی نظر اهمیتدن اسقاط ایدرک هان هر علمک غواض ودقایقنه دائر تصور و تصورده بولنسی ، حضور قلب دینیلن سعادت عظمتانک یالکز کندیبی کی اجله ارباب فضیلته مخصوص بر نعمت اولدینی اثباته کافیدر .

معرفک انسانلره الک بیوک بخشایشی حضور قبلدر .

حضور قلبده الک بیوک ثروتدر .

سیوطی بو یوله کی ثروت بی نهایت سنی — اکثری متعدد جلدلردن متشکل اوله رق — تألیف ایلدیکی الی یوز عدد کتاب ايله انظار عبرت بینانه عرض ایتمشدرکه تدوینی دکل ، استنساخی بیله عصرلره محتاج اولان بوقدر مجلدات عظیمه ونفیسه یی التمش بر سنه ک عمر عزیزینک بر قسمی ایچنده وجوده کتیرمشدر .

بیک درلو مسائل غامضه نک حلی ايله متوغل وتمادیا متفکر اولدینی حالده قوه حافظه سی بر درجه خارق العاده ایدی که بر کتاب نه قدر بیوک اولورسه اولسون زکره کوزدن کچیردکن صکره محتویاتندن